

GAMDANG AH PASIAN PHATNA LASA

Lesson 5 ading February 3, 2024






Topa' la, gamdang ah
bangci sak theih ding ihi
hiam?

(Late 137:4)



Lai Siangtho um i cih ciangin lungmuanna le kiciamna i bawl bangin a kicianlo, khat vei vei a kitel'lo nate, a diakdiak in siatna i kituah khak ciang in Pasian a omlo zah dongin up khak nate in lungduai zolo phial in kihi thei hi.

Ahizongin, a kitel'cianlo khat in Pasian hong itna le thuman'na zia-le-tong, ahihkeileh Ama' cihtakna pen cikmah hun in tehkaak khak ding hi vetlo hi. Late gelhpa in mailam hun ding tawh kisai-in lunghimawh na a nei khaphial zongin Pasian' i a kikheel ngeilo hong itna le cihtaknate tatsatlo-in i kisam den hi.



- 👉 Pasian in mawhna le gen'theihnate banghangin a om'ding phal hiam? (Late 74 le 79)
- 👉 Mawh neilote gim' thuak dingin Pasian in banghang phal hiam? (Late 88)
- 👉 Pasian in tu'a i thuak haksatnate banghangin beisaklo hiam? (Late 69)
- 👉 Lai Siangtho sung-a kamciam'te a pelh hiam? (Late 77)
- 👉 Thuman'lo mite banghangin nopsa uh hiam? (Late 37 le 73)

PASIAN IN MAWHNA LE GEN'THEIHNATE BANGHANGIN A OM'DING PHAL HIAM?

"Amaute' Pasian koi-ah om ahi hiam?" minam dangte in a cihding kilawm ding ahi hiam? Na nasemte' sisan luangkhia-a phulakna pen, minam dangte' lak, komau' muhna ah kitheisak in." (Late 79:10)



Nebuchadnezzar kumpi in Jerusalem khuapi le biakbuk a suksiat khit ciangin, Pasian mite' lungsim bei/buaigawp uh hi (Late 79:1-4; 74:3-8).

Gen'theihnate Pasian in bang tan'vei phal a hiam? Migilote' zaghna in bangtan sawt ding hiam? Pasian min bang tan'vei kizang'khai' zatding hiam? Mawhna bang tan'vei sawtin maisaklo ding hiam? Bang tan'vei daitakin omding hiam? (Late 79:5; 74:9-11) .

Pasian' mite bawlsiat a thuakleh,
Pasian' min vang'liatna in koi-ah
hiam? Late gelhpa' muhna dawn kikna
in Pasian in a mite huu-in panpih a,
abeisa hunlai mah bangin a gaalte
beimang sak ding hi (Late 79:6-7, 12;
74:13-19).



Mawhna in amaute hibang dinmun ah tun ahihna a theih manun Pasian' thu mang ding, kiciamnate phawk ding, mawhnate maisak ding, gen'theihnate hemkhia-in a mite' taangin thuak dingin Pasian kiang ngen hi (Late 79:8-9, 11, 13; 74: 20-23).

MAWH NEILOTE GIM'THUAK DINGIN PASIAN IN BANGHANG PHAL HIAM?

"Banghang hiam cihleh lungkhamna tampi thuakin, ka si dektak hi"
(Late 88:3)

Pasian it in Amah tungah a kipia nuam mi pen Pasian in huu in siat theihna pan suakta ding lamen thei hi. Ahizongin thu man mite-in midangte mahbangin gim'thuak ding uh hi.

Late gelhpa in, ci'na-in sih ding ngakin banghangin Pasian in dawng kiklo cih a tel kei hi (Late 88:3-4, 9-14). Pasian in ama' damlohnate a thuak gim'nate piangsak hi ci-in mawh siat hi (Late 88:6-8, 16-18).

Late 88 ah ama' damlohnate a piangsak thei mawhnate gen khatna omlo hi. A taktakin, ama' gim'thuakna (ih thuak haksat nate) in mawhna hangin a kingah hilo hi. Hih thu in ataktakin gim'thuaknate pen tel ding a haksa, a kitel' zolo thu khat suak hi.

Hihin dawn kik khat bek om hi: na khempeuh a uk Pasian kiang-ah kiko-in a hunlap in hong huhding lametna in (Late 88:1-2).



PASIAN IN TU'A I THUAK HAKSATNATE BANGHANGIN BEISAKLO HIAM?

"Ka kikokona-in ka gim a, ka dang keuta hi. Ka Pasian ka ngakngakna-in ka mitte maang ta hi." (Late 69:3)

Late gelhpa-in Pasian tawh bang ciang kigam la-in ngaihsun hiam?



Dawn ding tui a mu zolo sakhi tawh kibang hi (Late 42:1-3)



Nuntak nopna lungsim neilo-in, lungkhamna, na sak luat na (Late 102:2-4)



Tui vatawt, simbu ahikhkeileh a lungzuang vasa, sehnel gam ah nungta bangin (Late 102:6-7)



Pasian huhna omlo hileh ki-om zolo, buan nawng' lakah om bang in kingaihsun, (Ps. 69:1-3)

Pasian omlo hileh nang bangcih ding na hiam?



Dai takin om hihiat lo-in, thungen den ding (Late 69:13)

Ei-le-ei kisit tel ding (Late 69:5-6)

Amah in Pasian itna genkhia ding (Late 69:7, 9)


Pasian in tawntungin dai takin omlo ahinhna kilangh hi (Late 69:33-36; 42:5; 102:13)

Ih nuntakna ah bangci bangin hitaleh Pasian tawh kizopna ngah ding ci-in Late sungah kipulaak hi.

LAI SIANGTHO SUNG-A KAMCIAM'TE A PELH HIAM?

Ama itna kip bei paisuakin, ama Thuciamte maiming suak ding hiam? (Late 77:8)

Late gelhpa bangin na thuak ngei hiam (Late 77:1-6)? A dawnna lamen in Pasian tung ah a kiko hangin mulo hi; Lung gimna sungah kiheh nem na a nial hi; Pasian tungah phatna lasa-in Amah phawk ding hunte a thei hi. “Tu-in, Pasian in kei hong mangngilhta ahi hiam? Na kamciamte koi-ah hiam?” amah in a ci hi (Late 77:7-9).



A dawnna in a beisa hun ah hi (Late 77:10-12; Josh. 21:45).
Pasian in minamte mai-ah a lamdang nate semkhin hi (Late 77:13-17). Moses le Aaron te khut tawh gun tuipi sungah lam sial in a mite a paipih hi (Late 77:18-20).

Ahizongin, ama sepna khempeuh in a kiciankhin hilo hi. Khat veivei ciangin amah in khutte kiginglo takin sem kha hi: “na khekhapte kitheilo” (Late 77:19).

Siang takin genkhia ahi-a, iimcip ahi zongin Pasian in sem hi. Amah um ni.



THUMAN'LO MITE BANGHANGIN NOPSA UH HIAM?



"Banghang hiam cihleh migilote' daupaina ka muh ciangin mi kihisakte ka eng hi." (Late 73:3)

Lungsim ngaihsutna in: "mawh baanglo mi-in a bang hangin lel hiam? Thuman' mite-in bang hangin siatna ngah hiam? Kei muh bangin, siatna lo'kho in khaaici hoihlo a vawh mite-in a-aat ding uh hi" (Job 4:7-8).

Ahizongin, atak takin kibanglo hi. Migilo tampite-in Pasian pen amau nun takna pan a nawlkhin uh hangin nopsa-in gen'theihna thuaklo uh hi (Late 73:3-9); Pasian tungah a kipia le a ki-aap mite-in gen'theihna thuak uh hi (Late 73:13-14).

Atak takin en leeng: hih leitung ah "thukham in tha neem in, thukhenna in thumaan tawh kituaklo hi; banghang hiam cihleh thumanlo mite-in thumaan' mite umcih ahihmanin, thuman' in lampial hi" (Haba. 1:4).

Tua ahihmanin Asaph in khe taal dek tak hi (Late 73:2). Ahizongin, Pasian in ama kalsuan nate siangthona mun ah a paipih ciangin atawpna ah tel' hi (Late 73:17).

Migilote' hauhna-in amau' dinna diktak pen thumanna lampan in eite-in i mu ding hi. "Tuni" hun bek en lo-in, "atawpna" dong et ding hi. Migilote maitang in Pasian thukhenna a thuak uh ciangin, amaute-in midikte' ngah ding tawntung nopsak hun ah kihel kha nawnlo ding uh hi.



“Topa’ hehpihna dikna in eite’ tungah lian mah mah hi. Amah a muang mite-in cihmah hun in kinusia ngeilo ding hi. [...] U le nau sanggamte aw, nang in khuamial lampi tawn in Babylon a om saalte bangin u’nok paak kung tungah na tam’ngai khai-in, lungdamna la na sa ding uh hi. Ka lungsim kha tungah hih dahna lungkhamna vangik tawh ka mai-ah khuamialpi bangin ke’n lasa zo ding ka hi hiam? [...] Lungdamna biakna tau tungah ka pulaak ciangin, lungdam koh citpiakna le phatna late tawh biakna piak ding mangngilh kei-in. [...] Eite’ Honpa in tawntung nuntakna in eite tungah lungdamna le phatna a om dingin tatsatlo-in hongpia hi.”

EGW (Selected Messages, Book 2, A Time for Prayer and Praise p.268)

“Topa in i mittangte hong nul sak khitciangin khitui khempeuh eite ngaihsut na sungah hong navaak sakin, gen’theihnate nop tuamna ngahsak hi, lung gimna khempeuh hong hepkhiat sak in, lau theih na khempeuh hong hep khiat sak nuam hi, hong piak khempeuh hehpihna hongpia in, eite’ maingat Ama kiang zuat nading lampi a omlai khempeuh adingin tha hong suaksak hi.”

EGW (This Day With God,February 19)